

Na osnovu člana 16. stav 2. Zakona o Vladi Zeničko-dobojskog kantona-Prečišćeni tekst ("Službene novine Zeničko-dobojskog kantona", broj: 7/10) i člana 8. stav 2. Uredbe o Uredu za pritužbe javnosti-Prečišćeni tekst ("Službene novine Zeničko-dobojskog kantona", broj: 12/09 i 11/10), Vlada Zeničko-dobojskog kantona, na 159. sjednici, održanoj dana 10.04.2014. godine, donosi

ODLUKU

o utvrđivanju visine naknade za rad predsjedavajućeg i članova Ureda za pritužbe javnosti za Ministarstvo unutrašnjih poslova Zeničko-dobojskog kantona

Član 1.

(Visina naknade za rad)

(1) Utvrđuje se visina naknade za rad predsjedavajućeg i članova Ureda za pritužbe javnosti za Ministarstvo unutrašnjih poslova Zeničko-dobojskog kantona (u daljem tekstu: Ured), i to:

a) za predsjedavajućeg - 200,00 KM

b) za članove - 150,00 KM.

(2) Naknada iz stava (1) ovog člana pripada predsjedavajućem i članovima Ureda koji se imenuju iz reda građana.

(3) Članu Ureda iz reda policijskih službenika i službeniku Ministarstva koji pruža administrativnu podršku Uredu, za angažovanje u Uredu pripada naknada za prekovremeni rad, ukoliko se rad odvija izvan radnog vremena.

Član 2.

(Isplata naknade za rad)

(1) Naknada iz člana 1. stav (1) i (2) ove odluke isplaćivat će se jedanput mjesečno, za mjesec u kojem su održane sjednice Ureda, a za vrijeme dok traje mandat predsjedavajućeg i članova Ureda iz reda građana.

(2) Isplata će se vršiti iz sredstava Budžeta Zeničko-dobojskog kantona, razdjel 15, budžetska organizacija 01, potrošačka jedinica 0001, ekonomski kod 6139, pozicija "Ugovorene i druge posebne usluge", Ministarstva unutrašnjih poslova.

Član 3.

(Isplata naknade za prekovremeni rad)

(1) Naknada iz člana 1. stav (3) ove odluke isplaćivat će se jedanput mjesečno, za mjesec u kojem su održane sjednice Ureda izvan radnog vremena, a za vrijeme dok traje mandat člana Ureda iz reda policijskih službenika i službenika Ministarstva koji pruža administrativnu podršku Uredu.

(2) Rješenje o naknadi za prekovremeni rad donosi ministar Ministarstva unutrašnjih poslova Zeničko-dobojskog kantona na osnovu izvještaja o ostvarenom prekovremenom radu.

(3) Isplata će se vršiti iz sredstava Budžeta Zeničko-dobojskog kantona, razdjel 15, budžetska organizacija 01, potrošačka jedinica 0001, ekonomski kod 611100, pozicija "Bruto plaće i naknade", Ministarstva unutrašnjih poslova.

Član 4.

(Realizacija odluke)

Za realizaciju ove odluke zadužuje se Ministarstvo unutrašnjih poslova, Sektor za podršku.

Član 5.

(Prestanak važenja ranije odluke)

Danom stupanja na snagu ove odluke prestaje da važi Odluka o utvrđivanju visine naknade za rad predsjedavajućeg i članova Ureda za pritužbe javnosti za Ministarstvo unutrašnjih poslova Zeničko-dobojskog kantona ("Službene novine Zeničko-dobojskog kantona", broj: 1/12).

Član 6.

(Stupanje na snagu)

Ova odluka stupa na snagu danom donošenja, objavit će se u "Službenim novinama Zeničko-dobojskog kantona", a primjenjivat će se od 01.04.2014. godine.

Broj: 02-_____ /14.

Datum, 10.04.2014. godine

Zenica

PREMIJER

Munib Husejnagić, dipl.ing.maš.

DOSTAVLJENO:

1x Ministarstvo unutrašnjih poslova,

1x Stručna služba Vlade,

1x "Službene novine Zeničko-dobojskog kantona",

1x a/a.